



5. juli 2018

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara:

Naalakkersuisunut *apeqqutit*:

- 1. Naalakkersuisut isumaat naapertorlugu pisortani atorfillit aalajangersimasut eqqarsaatigalugit unammilleqatigiinnermut tunngatillugu immikkut piumasaaqaateqartarnissaq eqqunneqartariaqarnerluni taamaasiornikkut qularnaarumallugu inuit taakku soraarnermik kingorna niuertutut aallartinnginnissaat imaluunniit suliffeqarfimmik aalajangersimasumik aallartitsinnginnissaat imaluunniit taamaattuni atorfininnginnissaat?**
- 2. Naalakkersuisut isumaqassagaluarpata unammilleqatigiinnermut tunngatillugu immikkut piumasaaqaateqartarnissaq pissusissamisoortoq, taava Naalakkersuisut isumaat naapertorlugu kikkut immikkut piumasaqarfigineqartariaqassappat?**
- 3. Naalakkersuisut naliliinerat naapertorlugu unammilleqatigiinnermut tunngatillugu immikkut piumasaaqaateqartarnissaq sunik kinguneqassava aamma sunik iluaqutitaqarlunilu ajoquteqassava?**

(Inatsisartunut ilaasortaq Steen Lyngge, Demokraatit)

Tunngavilersuut

Ullumikkut ajornanngitsuaraavoq pisortani immikkoortumi aalajangersimasumi akisussaalluni atorfeqariarluni namminersortunngortarneq imaluunniit namminersortuni atorfinittarneq taamaasillunilu nioqquteqartunngortarneq imaluunniit pisortanut kiffartuussilertarneq immikkoortuni pisortani sullivigisimasamut assigusuni. Uanga isumaga naapertorlugu taamaattuni soqutigisatigut assortuuttoqalersarpoq.

Aaqqiissutaasinnaavoq pisortani atorfillit ilaat eqqarsaatigalugit unammilleqatigiinnermut tunngatillugu immikkut piumasaaqaateqartoqartalernissaa soqutigisatigut assortuuttoqaleqqunagu qularnaarniarlugulu paatsuugasoqannginnissaa.

Isumassarsiamut Naalakkersuisut isumaat tusassallugu soqutiginantippara aamma taamaattummik qinnutigissuara Naalakkersuisut apeqquktikka akissagaat ullut sulliviit naliginnaasut qulit iluanni.